



Javno preduzeće
ELEKTROPRIVREDA BOSNE I HERCEGOVINE
d.d. - Sarajevo
Podružnica "Elektrodistribucija", Sarajevo

KANTONALNI STAMBENI FOND SARAJEVO
Hiseta 13a
71000 SARAJEVO

Sarajevo, **24 -02- 2021**
Broj: 03-4-41-10217/2021

Predmet: Dostava Ugovora o snabdijevanju električnom energijom

Poštovani,
u prilogu dopisa dostavljamo vam 1 (jedan) primjerak Ugovora o snabdijevanju električnom energijom sa pripadajućim priložima broj: ST-4-1407/2021 za period 01.02.2021. do 31.12.2021. godine, ovjeren i potpisan s naše strane za vašu upotrebu.
Ukoliko imate bilo kakvih dodatnih pitanja vezano za snabdijevanje električnom energijom stojimo Vam na raspolaganju.

JP Elektroprivreda BiH d.d. – Sarajevo
Podružnica "Elektrodistribucija" Sarajevo, Zmaja od Bosne 49
Kontakt telefon: 033 751-639
Mail adresa: m.kaljanac@epbih.ba

S poštovanjem,

Prilog: Kao u tekstu

Dostavljeno:
- 41
- a/a



6



Vilsonovo šetalište 15, 71000 Sarajevo, BiH,

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
3389002208746755 - UniCredit banka d.d. Mostar
1549212003366506 - Intesa SanPaolo banka d.d. BiH Sarajevo
161000005160023 - Raiffelsen Bank d.d. BiH Sarajevo
1990490176075902 - Sparkasse Bank d.d. BiH Sarajevo
1401011110000812 - Sberbank BH d.d. Sarajevo

Podružnica „Elektrodistribucija“ Sarajevo
Zmaja od Bosne 49, 71000 Sarajevo, BiH

Reg. broj: UF/I-2108/04 Kantonalni sud Sarajevo
Porezni broj: 4200225150030
PDV broj: 200225150005
1401011110005759 - Sberbank BH d.d. Sarajevo
1990540073360514 - Sparkasse Bank d.d. BiH Sarajevo
www.epbih.ba

UGOVOR O SNABDIJEVANJU ELEKTRIČNOM ENERGIJOM ZA TRŽIŠNO SNABDIJEVANJE

Broj: ST-4-1407/2021

zaključen između:

Javno preduzeće Elektroprivreda Bosne i Hercegovine d.d. – Sarajevo, Vilsonovo šetalište 15, Sarajevo, Podružnica „Elektro distribucija“ Sarajevo, adresa: Zmaja od Bosne 49, Sarajevo, koje zastupa Admir Anđelić, Generalni direktor i Zlatan Planinčić, Izvršni direktor za snabdijevanje i trgovinu (u daljem tekstu „Snabdjevač”),

i kvalifikovanog kupca

KANTONALNI STAMBENI FOND SARAJEVO, adresa: Hiseta 13a, 71000 Sarajevo, ID: 4200296330004, PDV: 200296330004, kojeg zastupa Belma Barlov, Direktor (u daljem tekstu „Kupac”).

I PREDMET UGOVORA

Član 1.

Predmet ovog Ugovora je snabdijevanje električnom energijom i obračun i fakturisanje usluga korištenja mreže prema utvrđenim uslovima korištenje distributivne mreže Operatora distributivnog sistema (u daljem tekstu: ODS), definisanje odnosa, prava i obaveza između Snabdjevača i Kupca koji ima status kvalifikovanog kupca električne energije.

Član 2.

Na sve što nije regulisano ovim Ugovorom primjenjivat će se odredbe sljedećih propisa: Zakon o električnoj energiji, Zakon o obligacionim odnosima (u daljem tekstu „ZOO”), važeći akti: Pravilnik o snabdijevanju kvalifikovanih kupaca električnom energijom i postupku promjene snabdjevača (u daljem tekstu „Pravilnik o snabdijevanju”), Opšti uslovi za isporuku električne energije (u daljem tekstu „Opšti uslovi”), Mrežni kodeks, Mrežna pravila, Tržišna pravila, Odluka o tarifnim stavovima za korisnike distributivnog sistema JP Elektroprivreda Bosne i Hercegovine d.d. - Sarajevo, Zakon o korištenju obnovljivih izvora energije i efikasne kogeneracije, Dozvola za rad – Licenca za obavljanje elektroprivredne djelatnosti snabdijevanja električnom energijom II reda, Zakon o finansijskom poslovanju i akti koji u toku važenja ovog Ugovora na novi način urede pitanja regulisana navedenim propisima, odnosno aktima, kao i ostali zakonski i podzakonski akti koji tretiraju ovu materiju.

Član 3.

Sastavni dijelovi ovog Ugovora su:

Prilog 1 - Podaci o kupcu i obračunskim mjernim mjestima i ugovorene količine snage i električne energije

Prilog 2 - Obračunski elementi i cijene električne energije

II SNAGA I KOLIČINA ELEKTRIČNE ENERGIJE

Član 4.

Snabdjevač će isporučivati, a Kupac će za vrijeme trajanja ovog Ugovora preuzimati snagu i električnu energiju po obračunskim periodima i ugovorenim količinama navedenim u Prilogu 1 ovog Ugovora.

Način obračuna električne energije vrši se prema obračunskim elementima i cijenama električne energije definisanim u Prilogu 2 ovog Ugovora.

Kupac je obavezan da koristi električnu energiju i snagu u skladu sa ovim Ugovorom.

Potpisivanjem ovog Ugovora Kupac postaje dio Balansne grupe čija je balansno odgovorna strana Javno preduzeće Elektroprivreda Bosne i Hercegovine d.d. – Sarajevo, koja preuzima troškove debalansa.

III USLOVI KORIŠTENJA DISTRIBUTIVNE MREŽE

Član 5.

Kupac je dužan koristiti priključak i distributivnu mrežu prema uslovima iz elektroenergetske saglasnosti i u skladu sa Opštim uslovima, odnosno u skladu sa Ugovorom o korištenju distributivne mreže zaključenim sa ODS-om.

Ugovorne strane saglasne su da će sve zahtjeve vezane za promjene u korištenju priključka i mreže, uređivati u dogovoru i u skladu sa odredbama Opštih uslova i Mrežnih pravila.

Član 6.

Kupac je dužan odmah po saznanju, bez odlaganja, obavijestiti ODS o neispravnosti mjernih uređaja i o mogućem nastanku ili oštećenju bilo kojeg dijela mjernog sloga, oštećenju plombi, kao i o mogućem oštećenju mjernog ormara, s tim što kupac ne smije poduzimati nikakve radnje na mjernom mjestu i mjernom uređaju.

IV MJERENJE I OČITANJE MJERNIH UREĐAJA

Član 7.

Način mjerenja, te uslovi i način očitavanja mjernih uređaja definisani su Ugovorom o korištenju distributivne mreže.

Mjerne podatke, na obračunskim mjernim mjestima, utvrđuje ODS u skladu sa važećim Opštim uslovima, Mrežnim kodeksom i Tržišnim pravilima.

ODS je dužan u okviru standardne mjerne usluge, utvrđene Mrežnim pravilima s mjernih mjesta prikupiti, obraditi, provjeriti valjanost, potvrditi vrijednosti, pohraniti i dostaviti, ili učiniti dostupnim u odgovarajućem formatu za preuzimanje, obračunske mjerne podatke za potrebe Snabdjevača i Kupca, za obračun prema ovom Ugovoru.

Kupac može od ODS-a naručiti nestandardne mjerne usluge, a ODS će ih pružiti i obračunati prema cjenovniku nestandardnih usluga odnosno prema ugovorenim cijenama.

Uslugu iz prethodnog stava ovog člana Kupcu će fakturisati Snabdjevač.

Kupac je dužan u svako vrijeme omogućiti pristup obračunskom mjernom mjestu i mjernim uređajima radi održavanja i očitavanja, kao i radi obustave isporuke - isključenja.

Očitavanje mjernih uređaja vrši se jedanput mjesečno, kao i u slučaju zamjene brojila, promjene tarifnih stavova za korisnike distributivnog sistema, zahtjeva za promjenu snabdjevača, privremenog isključenja sa distributivne mreže, promjene cijene snabdijevanja od strane Snabdjevača, i drugih elemenata koji utiču na obračun.

V NAČIN OBRAČUNA I CIJENA ELEKTRIČNE ENERGIJE

Član 8.

Snabdjevač će obračunavati električnu energiju i uslugu korištenja mreže na osnovu mjernih podataka iz člana 7. ovog Ugovora.

Kupac preuzima obavezu plaćanja pripadajućeg dijela troškova zajedničke potrošnje ako sa više krajnjih kupaca ostvaruje zajedničku potrošnju.

U slučaju kada se mjerenje vrši na naponu nižem, odnosno višem od napona na mjestu isporuke, Snabdjevač će obračunati korekciju obračunskih podataka za iznos gubitaka električne energije na osnovu podataka o gubicima električne energije dostavljenih od strane ODS-a.

Član 9.

Cijena snabdijevanja od strane Snabdjevača su Tarifni stavovi za električnu energiju koji su navedeni u Prilogu 2 ovog Ugovora. Tarifni stavovi za električnu energiju su cijene obračunskih elemenata, koje su određene prema tarifnom modelu.

Prilog 2 ovog Ugovora sadrži Ukupne tarifne stavove, Tarifne stavove za električnu energiju i Tarifne stavove za korisnike mreže JP Elektroprivreda Bosne i Hercegovine d.d. - Sarajevo i kao takvi su sastavni dio ovog Ugovora.

Tarifni stavovi za električnu energiju iz Priloga 2 ovog Ugovora su fiksni za vrijeme trajanja Ugovora.

U slučaju da dođe do promjene Tarifnih stavova za korisnike distributivnog sistema JP Elektroprivreda Bosne i Hercegovine d.d. - Sarajevo, Snabdjevač i Kupac su saglasni da se primjenjuju novi tarifni stavovi od dana stupanja na snagu istih, a što u istom obimu mijenja ukupne tarifne stavove.

Na iznos obračunate utrošene električne energije i usluge korištenja mreže Snabdjevač će Kupcu obračunati iznos PDV-a i druge primjenjive naknade u skladu s važećim propisima.

Član 10.

Snabdjevač će iskazati obračun sa jasnom strukturom, uključujući cijenu korištenja distributivne mreže, posebnu stavku iznosa naknade za obnovljive izvore, porez na dodatnu vrijednost i druge primjenjive naknade u skladu sa ovim Ugovorom i važećim propisima, a koje će na računu biti iskazane odvojeno.

VI DOSTAVA RAČUNA I PLAĆANJE

Član 11.

Snabdjevač dostavlja račun Kupcu na osnovu obračuna izvršenog po odredbama ovog Ugovora, po obračunskom mjernom mjestu, u roku od 5 (pet) dana od dana izdavanja računa.

Račun sadrži jasnu strukturu troškova i propisanih naknada.

Kupcu se račun dostavlja putem pošte, na adresu dostave računa navedenu u Prilogu 1 ovog Ugovora, ili putem elektronske pošte (ukoliko se kupac izjasni), na e-mail adresu dostave računa navedenu u Prilogu 1 ovog Ugovora. Ukoliko se u toku trajanja ovog Ugovora Kupac tako opredijeli (pisanim putem ili putem e-mail-a), može izvršiti promjenu načina dostave računa i/ili promjenu adrese ili e-mail adrese dostave računa.

Ako Kupac ne zaprimi račun za obračunski period u ugovorenom roku, dužan je o tome obavijestiti Snabdjevača najkasnije do 15. u mjesecu Snabdjevač će izdati Kupcu kopiju računa bez posebne naknade.

Član 12.

Rok plaćanja ispostavljenog računa je:

- 15 (petnaest) dana od datuma izdavanja računa, ukoliko Kupac na dan izdavanja računa ima dospjelih obaveza po osnovu isporučene električne energije; odnosno
- 30 (trideset) dana od datuma izdavanja računa ukoliko Kupac na dan izdavanja računa nema dospjelih obaveza po osnovu isporučene električne energije.

Ako Kupac ne plati novčanu obavezu u roku dospelja, Snabdjevač će obračunati zakonsku zateznu kamatu u visini stope zatezne kamate propisane zakonom, kao i sve druge zakonom propisane naknade.

Snabdjevač će dospjela, a nenaplaćena potraživanja naplaćivati na način da se prvo naplate troškovi, zatim kamate i na kraju glavnica.

Član 13.

U slučaju da Kupac neuredno izmiruje svoje obaveze po osnovu ovog Ugovora, Snabdjevač može tražiti, a Kupac je dužan dostaviti Snabdjevaču bankovnu garanciju ili bjanko mjenicu sa mjeničnom izjavom kao garanciju obezbjeđenja plaćanja preuzete električne energije.

Bankarska garancija iz ovog člana se dostavlja sa rokom dužim za tri mjeseca od perioda na koji je zaključen ovaj Ugovor, dok će visina bankarske garancije iznositi tri prosječne mjesečne fakture Kupca u skladu sa ovim Ugovorom.

Član 14.

Kupac može podnijeti Snabdjevaču prigovor u roku od 15 (petnaest) dana od dana izdavanja računa u kojem djelimično ili u cijelosti osporava račun.

Prigovor Kupca ne odgađa plaćanje neosporenog dijela računa u roku dospelja.

Snabdjevač je dužan odgovoriti pisanim putem Kupcu na prigovor u roku od 8 (osam) dana od dana prijema prigovora.

Ako je prigovor opravdan, Snabdjevač će izdati novi račun s novim rokom dospelja. U slučaju neprihvatanja prigovora, Kupac je dužan platiti prvobitno ispostavljeni račun u punom iznosu.

U slučaju da se prigovor Kupca odnosi na neku povredu odredbi Opštih uslova, a ne na izdati račun, Kupac ima pravo prigovora u roku od 15 dana od dana nastanka razloga za podnošenje prigovora. Snabdjevač će pisanim putem odgovoriti u roku od 15 dana.

Prigovori će se rješavati na način predviđen internim aktom Snabdjevača i Opštim uslovima.

Član 15.

Kupac je obavezan da obavijesti Snabdjevača o izmjenama odgovarajućih podataka Kupca i podataka vezanih za obračunska mjerna mjesta (podaci definisani u Prilogu 1), u toku ugovornog perioda, za podatke koji utiču na obračun i dostavu računa.

Kupac uz dostavljanje kontaktnih podataka u Prilogu 1 ovog Ugovora označava da li je saglasan sa prikupljanjem i obradom ovih podataka od strane Snabdjevača, u svrhu adekvatnog informisanja Kupca od strane Snabdjevača.

VII MEĐUSOBNA PRAVA I OBAVEZE

Član 16.

Ugovorne strane su saglasne da će se na sve stavke koje eventualno nisu regulisane ovim Ugovorom primjenjivati odgovarajuće odredbe ZOO, Zakona o električnoj energiji, Opštih uslova, Pravilnika o snabdijevanju, propisa koje donosi DERK i FERK kao i drugih propisa iz ove oblasti.

U slučaju izmjena i dopuna važećih propisa i akata ili donošenja novih, a koji utiču na odredbe ovog Ugovora, primjenjivat će se važeći propisi i akti bez zaključenja novog ugovora ili aneksa ovog Ugovora.

VIII RASKID UGOVORA I NAKNADA ŠTETE

Član 17.

Ugovorne strane su saglasne da u slučaju kršenja Ugovora mogu raskinuti Ugovor putem pisane obavijesti o raskidu upućene drugoj Ugovornoj strani putem preporučene poštanske, uz otkazni rok zaključno sa posljednjim danom narednog obračunskog perioda.

Smatra se da je obavijest o raskidu Ugovora zaprimljena od druge Ugovorne strane protekom 3 dana od dana predaje na poštu obavijesti o raskidu Ugovora, pod uslovom da Ugovorna strana koja šalje takvu poštom ima dokaz o njenom slanju.

Ugovor prestaje važiti u 24:00 sata zadnjeg dana obračunskog perioda u kojem je istekao otkazni rok, iz stava 1. ovog člana.

U slučaju raskida Ugovora od strane Kupca (osim u slučaju kršenja ugovornih obaveza) a ukoliko je Kupac koristio pogodnost roka plaćanja od 30 dana, Kupac može na pisani zahtjev raskinuti ovaj Ugovor uz otkazni rok od 60 (šezdeset) dana pod uslovom da izmiri svoje dospelje obaveze prema drugoj Ugovornoj strani.

Član 18.

U slučaju raskida Ugovora od strane Kupca zbog odabira drugog snabdjevača (osim kršenja ugovornih obaveza od strane Snabdjevača), prije isteka ugovora, ili u slučaju raskida Ugovora od strane Snabdjevača zbog kršenja ugovornih obaveza od strane Kupca, Snabdjevač ima pravo na naknadu štete, te ima pravo Kupcu obračunati naknadu štete za prijevremeni raskid ovog Ugovora, kako slijedi:

a) Kupac je dužan platiti Snabdjevaču naknadu štete za prijevremeni raskid ugovora u iznosu od 10 % prosječne mjesečne ugovorene vrijednosti (u skladu sa ugovorenim količinama definisanim u Prilogu 1 ovog Ugovora, prema cijenama iz Priloga 2 ovog Ugovora) za svaki mjesec u kojem električnu energiju nije preuzeo.

Snabdjevač će obračunati iznos naknade štete iz ovog člana, a koji je Kupac dužan platiti Snabdjevaču u roku od 10 dana .Ukoliko Kupac ne plati obračunati iznos naknade štete u ugovorenom roku, naknada štete će se naplatiti iz bankarske garancije iz člana 13. ovog Ugovora ili putem nadležnog Suda.

IX OGRANIČENJE I OBUSTAVA ISPORUKE ELEKTRIČNE ENERGIJE

Član 19.

Snabdjevač može izvršiti ograničenje ili obustavu isporuke električne energije Kupcu u slučajevima, pod uslovima i na način utvrđen važećim Opštim uslovima.

Ako Kupac ne izvršava obavezu plaćanja u ugovorenom roku, Kupcu može biti izvršena obustava isporuke električne energije nakon isteka roka utvrđenog u Obavještenju o isključenju koji ne može biti kraći od 8 dana.

Snabdjevač će dostaviti zahtjev ODS-u za obustavom isporuke električne energije na objektu krajnjeg kupca u slučaju neizvršenja obaveza po Ugovoru o snabdijevanju, u slučajevima i na način propisan Zakonom i Opštim uslovima.

Član 20.

Obustavljanje isporuke električnom energijom, Snabdjevač neće izvršiti na objektu unutar kojeg se koristi elektromedicinska oprema neophodna za održavanje ljudskog života, a za čiji rad je neophodno napajanje iz distributivne mreže.

Kupac je obavezan dostaviti Snabdjevaču dokaz o korištenju elektromedicinske opreme navedene u stavu 1 ovog člana.

X KVALITET SNABDIJEVANJA

Član 21.

Za sigurnost, pouzdanost i kvalitet isporuke električne energije, u skladu sa važećim Opštim uslovima, odgovoran je nadležni ODS.

Član 22.

Snabdjevač se obavezuje uslugu snabdijevanja električnom energijom obavljati pouzdano i kvalitetno u skladu sa odredbama važećih Opštih uslova i zakonske regulative koja određuje uslove snabdijevanja koje mora ispuniti snabdjevač električne energije.

Član 23.

Snabdjevač i Kupac oslobađaju se preuzetih obaveza u pogledu isporuke odnosno preuzimanja električne energije u slučajevima obustave isporuke električne energije i ograničenja u isporuci električne energije, u skladu sa važećim Opštim uslovima.

XI PROMJENA SNABDJEVAČA

Član 24.

U slučaju promjene Snabdjevača, ugovorne strane su saglasne da se obezbijedi efikasan postupak promjene Snabdjevača, na način i prema rokovima propisanim Pravilnikom o snabdijevanju kvalifikovanih kupaca električnom energijom i postupku promjene snabdjevača, uz obavezu izmirenja obaveza nastalih do datuma promjene snabdjevača.

Nakon svake promjene Snabdjevača vršit će se konačni obračun potrošnje krajnjeg kupca radi blagovremenog izmirenja obaveza prema prethodnom Snabdjevaču.

XII POVJERLJIVOST

Član 25.

Ugovorne strane neće otkriti trećoj strani detalje ovog Ugovora, osim ako ne postoji pismena saglasnost druge strane. Zabrane se ne primjenjuju na nadzorna tijela koja imaju nadležnost nad tom stranom, odnosno na ovlaštene predstavnike institucija BiH. U slučaju da se informacije moraju otkriti, strana koja treba otkriti informacije obavijestit će drugu stranu.

Kupac je saglasan da Snabdjevač može koristiti podatke vezane za ugovorni odnos u svrhu ispunjavanja ugovornih obaveza, a u skladu sa propisima o zaštiti ličnih podataka. Kupac je saglasan da Snabdjevač može vršiti razmjenu informacija i podataka sa ODS-om, a koji se odnose na mjerna mjesta Kupca, koja su predmet ovog Ugovora.

XIII VIŠA SILA

Član 26.

Snabdjevač se oslobađa obaveza u pogledu snabdijevanja električnom energijom u periodu trajanja kvara u sistemu, više sile, radova na mreži, kao i ostalih okolnosti na koje nije mogao uticati.

Snabdjevač nije odgovoran ako ne može ispuniti svoje obaveze zbog razloga koji su na strani Operatora prenosnog sistema i ODS-a odnosno zbog nepoštivanja obaveza koje su utvrđene važećim propisima, a koje imaju Operator prenosnog sistema i ODS.

Nastupanje okolnosti iz stava 1. i stava 2. ovog člana oslobađaju Snabdjevača i Kupca izvršavanja obaveza iz Ugovora.

Član 27.

U slučaju da je jedna od ugovornih strana, u potpunosti ili djelimično u nemogućnosti isporučiti ili preuzeti električnu energiju zbog više sile, odgovarajuće ugovorne obaveze te ugovorne strane bit će privremeno suspendovane u potpunosti ili djelimično sve dok se određene smetnje ne uklone.

Član 28.

Viša sila znači nastupanje svih događaja i okolnosti koji, da su i mogli biti predviđeni, ne bi mogli biti spriječeni i na koje se ne može uticati, umanjiti ih, otkloniti ih ili ukinuti njihovo djelovanje, što naročito uključuje, ne ograničavajući se: ozbiljne prirodne događaje i nepogode, epidemije, akcije vlasti, ratove, štrajkove, eksplozije koje nisu posljedica nepravilnog i nepažljivog rukovanja i dotrajalosti materijala i opreme.

Član 29.

U slučaju više sile pogođena strana odmah će obavijestiti drugu stranu o uzroku, prirodi, ozbiljnosti, te predviđenom trajanju smetnje, kao i mjerama koje je potrebno poduzeti za rješavanje problema.

Član 30.

Svaka ugovorna strana će učiniti sve kako bi se moguće smetnje otklonile što je prije moguće.

XIV NAČIN RJEŠAVANJA SPOROVA

Član 31.

Ugovorne strane su saglasne da će eventualne sporove rješavati sporazumno u skladu sa odredbama ZOO, Zakona o električnoj energiji, Općim uslovima, Dozvole za rad, Pravilnika o snabdijevanju, drugih pravila i propisa regulatora (FERK-a, i DERK-a), Operatora sistema (NOS BiH), kao i ostalim zakonskim i podzakonskim aktima koji tretiraju ovu materiju.

Član 32.

U slučaju da ugovorne strane ne mogu riješiti spor dogovorom, iste mogu podnijeti zahtjev za rješavanje spora FERK-u. Ovakav način rješavanja sporova pred FERK-om ima se smatrati arbitražnim načinom rješavanja spora između ugovornih strana.

Član 33.

Za sporove koji se ne mogu riješiti u skladu sa članom 31. i članom 32. ovog Ugovora, ugovorne strane su saglasne da je nadležan mjesno nadležan sud.

XV TRAJANJE UGOVORA

Član 34.

Ovaj Ugovor stupa na snagu danom obostranog potpisivanja, a primjenjuje se od 01.02.2021. godine do 31.12.2021. godine.

Član 35.

Snabdjevač će obavijestiti krajnjeg kupca o isteku roka trajanja ugovora na primjeren način u skladu sa odredbama važećih akata.

XVI ZAVRŠNE ODREDBE

Član 36.

Ugovorne strane će sve obavijesti i komunikaciju iz Ugovora upućivati jedna drugoj na adresu naznačenu u zaglavlju ovog Ugovora odnosno ugovorene adrese, poštanskom pošiljkom, osim kada je u ugovoru naznačeno da se obavijest odnosno druga komunikacija dostavlja preporučenom pošiljkom, faksom ili putem elektronske pošte.

Smatra se da je obavijest ili bilo koja druga komunikacija, koja se dostavlja poštanskom pošiljkom ili preporučenom poštom, zaprimljena od druge Ugovorne strane protekom 3. dana od dana predaje na poštu, pod uslovom da Ugovorna strana koja šalje pošiljku ima dokaz o slanju.

Ukoliko je obavijest upućena elektronskom poštom, smatra se da je zaprimljena na dan kada je sa e-mail servera Snabdjevača isporučena elektronska pošiljka na e-mail adresu primatelja naznačenu u ovom Ugovoru.

Član 37.

Ovaj Ugovor sačinjen je u dva istovjetna primjerka, od kojih svaka Ugovorna strana zadržava po jedan primjerak.

ZA SNABDJEVAČA

Generalni direktor

Admir Andelija

Izvršni direktor za snabdijevanje i trgovinu

Zlatan Planinčić

ZA KUPCA

Direktor

Belma Barlov

Datum: 22.02.2021
01-04-6084/2021

Datum: 09.02.2021.g.

PRILOG 1

Podaci o kupcu

Naziv kupca	KANTONALNI STAMBENI FOND SARAJEVO
Adresa kupca	Hiseta 13a, 71000 Sarajevo
Kontakt osoba kupca	Belma Barlov, Direktor
Kontakt podaci kupca:	
E-mail adresa	ksfs@bih.net.ba
Fax	+387 33 562-731
Fiksni telefon	+387 33 562-730
Mobilni telefon	

Podaci za dostavu računa:	
Način dostave računa (odabrati opciju)	Putem elektronske pošte
Adresa dostave računa (u slučaju odabira opcije dostave računa putem pošte):	
E-mail adresa dostave računa (u slučaju odabira opcije dostave računa putem elektronske pošte):	ksfs@bih.net.ba

Kontakt podaci za obračunska mjerna mjesta	
E-mail adresa	ksfs@bih.net.ba
Fiksni telefon	+387 33 562-730
Mobilni telefon	
Kupac je saglasan sa prikupljanjem i obradom kontaktnih podataka od strane Snabdjevača	DA

Ostala potrošnja na 0.4 KV naponu II tarifna grupa

Podaci o obračunskim mjernim mjestima:

Šifra mjernog mjesta	Adresa mjernog mjesta	Nominalni napon priključenja	Nominalni napon mjerenja	Priključna snaga kW	Broj i datum Ugovora o korištenju distributivne mreže
26169	Turhanija 1, Sarajevo	0,4 kV	0,4 kV	2,83	204-6318/11, 02.04.2011.
19608	Vladimira Perića Valtera 5, Sarajevo	0,4 kV	0,4 kV	3,50	204-6303/11, 02.04.2011.
10523135	Jahielca Fincija 22, Ilidža	0,4 kV	0,4 kV	4,20	309760/2020, 27.10.2020
79964	Marka Marulića 13, Sarajevo	0,4 kV	0,4 kV	2,41	210387/2018, 03.08.2018.
116001	Braće Kršo 21, Vogošća	0,4 kV	0,4 kV	2,12	202-33243/11, 28.05.2012
Kategorija potrošnje			Ostala potrošnja na 0.4 KV naponu II tarifna grupa		
Kupac ima objedinjeno mjerenje:			NE		
Primjena posebnih odredbi datih u Prilogu 3			NE		

Ugovorene količine snage i električne energije:

Mjerna mjesta: Sva mjerna mjesta iz ovog Priloga 1 za kategoriju
Ostala potrošnja na 0,4 kV naponu II tarifna grupa

Period: 01.02.2021.-31.12.2021.

Obračunsko razdoblje	Obračunska snaga	Aktivna energija		
		Veća tarifa	Manja tarifa	Ukupno
Mjesec	kW	kWh	kWh	kWh
Februar	0	640	255	895
Mart	0	410	225	635
April	0	290	210	500
Maj	0	435	265	700
Juni	0	410	240	650
Juli	0	415	255	670
August	0	375	275	650
Septembar	0	480	270	750
Oktobar	0	630	330	960
Novembar	0	475	255	730
Decembar	0	655	250	905
Ukupno		5.215	2.830	8.045

ZA SNABDJEVAČA

Generalni direktor

29

Admir Andelija

Izvršni direktor za snabdijevanje i trgovinu

Zlatan Planinčić

ZA KUPCA

Direktor

Belma Barlov

Datum: 22.02.2021

01-04-6084/2021

Datum: 09.02.2021.g.

PRILOG 2

Kategorija Ostala potrošnja na 0.4 KV naponu II tarifna grupa

Ukupni tarifni stavovi

UKUPNI TARIFNI STAVOVI					
OBRAČUNSKI ELEMENTI	MJERNO MJESTO KUPCA	OBRAČUNSKA SNAGA	AKTIVNA ENERGIJA		PREKOMJERNO PREUZETA REAKTIVNA ENERGIJA
JEDINICA MJERE	KM	KM/kW/mjesec	F/kWh		F/kVArh
DNEVNO DIFERENCIRANJE	-	-	VEĆI	MANJI	-
CIJENA	2,60	0,00	23,91	11,95	0,00

Tarifni stavovi za električnu energiju

TARIFNI STAVOVI ZA ELEKTRIČNU ENERGIJU					
OBRAČUNSKI ELEMENTI	MJERNO MJESTO KUPCA	OBRAČUNSKA SNAGA	AKTIVNA ENERGIJA		PREKOMJERNO PREUZETA REAKTIVNA ENERGIJA
JEDINICA MJERE	KM	KM/kW/mjesec	F/kWh		F/kVArh
DNEVNO DIFERENCIRANJE	-	-	VEĆI	MANJI	-
CIJENA	4,30	0,00	15,00	7,50	0,00

Tarifni stavovi za korisnike distributivnog sistema JP Elektroprivreda BiH d.d.-Sarajevo za kategoriju potrošnje Ostala potrošnja na 0.4 KV naponu II tarifna grupa(u skladu sa važećom odlukom FERK-a o tarifnim stavovima za korisnike distributivnog sistema)

TARIFNI STAVOVI ZA KORISNIKE DISTRIBUTIVNOG SISTEMA (MREŽARINA) NA Ostala potrošnja na 0.4 KV naponu II tarifna grupa					
OBRAČUNSKI ELEMENTI	MJERNO MJESTO KUPCA	OBRAČUNSKA SNAGA	AKTIVNA ENERGIJA		PREKOMJERNO PREUZETA REAKTIVNA ENERGIJA
JEDINICA MJERE	KM	KM/kW/mjesec	F/kWh		F/kVArh
DNEVNO DIFERENCIRANJE	-	-	VEĆI	MANJI	-
CIJENA	2,60	0,00	8,91	4,45	0,00

U ukupnoj cijeni nije uračunata naknada za poticanje proizvodnje električne energije iz obnovljivih izvora energije i iznos poreza na dodanu vrijednost koje JP Elektroprivreda Bosne i Hercegovine d.d. - Sarajevo kao snabdjevač ima obavezu evidentirati na svakom pojedinačnom računu kupca u skladu sa važećim propisima.

Period važenja većih i manjih tarifnih stavova:

Manji dnevni tarifni stavovi se od ponedjeljka do petka primjenjuju od 00:00 do 07:00 h i od 22:00 do 24:00 h tokom zimskog računanja vremena, odnosno od 00:00 do 08:00 h i od 23:00 do 24:00 h tokom ljetnog računanja vremena. Subotom i nedjeljom se tokom cijelog dana primjenjuju manji dnevni tarifni stavovi.

ZA SNABDJEVAČA

Generalni direktor

Admir Anđelija

Izvršni direktor za snabdijevanje i trgovinu

Zlatan Planinčić

Datum: 22.02.2021

01-04-6084/2021

ZA KUPCA

Direktor

Belma Barlov

Datum: 22.02.2021.g